

Ideja o formiranju Društva za promet naftom i naftnim derivatima potiče još od 1990. godine kada je porodica Ahmetlić došla do zaključka da je potrebno na području na kojem egzistiraju imati kvalitetnog i sigurnog snabdjevača.

Sve je počelo osnivanjem preduzeća **HIFA** d.o.o. i otvaranjem benzinske pumpe u Tešnju.

Pozitivnim razvojem situacije došlo je do formiranja mreže benzinskih pumpi, a i generirale su se i ostale firme članice grupacije i to : HIFA OIL, HIFA BENZ, HIFA PETROL, HIFA OKTAN, HIFA TANK i EUROMETALI.

U sistemu interaktivnih odnosa između firmi jasno su razdvojene njihove aktivnosti čime se postiže funkcionalan sistem koji u konačnici daje kvalitet i poslovnost.

Trenutno u sistemu maloprodaje GRUPACIJA, kojoj pripada i firma HIFA d.o.o., posjeduje benzinske pumpe u Tešnju, kompleks benzinskih pumpi kod Doboja (četiri pumpe),Jelahu, Živicama, Srebreniku,Visokom i 2 pumpe u Sarajevu (Stup i Bistrik).

Naftni derivati koji se toče na benzinskim pumpama su iz rafinerije MOL - Mađarska čiji su uzorci provjeravani od ovlaštene institucije INSPEKT RGH.

Pored maloprodaje na svim benzinskim pumpama, snadbijevamo gorivom u većim količinama i preduzeća koja se bave prevozom putnika i roba, proizvodnjom industrijskih i prehrambenih proizvoda, obradom drveta, asfaltnih baza te snadbjevanjem fizičkih lica.

U toku grejne sezone lož uljem snadbijevamo obrazovne i zdravstvene institucije i druge javne ustanove u Federaciji BiH.

U namjeri da pravilno izgrade sistem te zbog oslanjanja na kvalitetnog partnera, u okviru grupacije, formirana je i firma HIFA OIL koja je sada jedan od najvećih uvoznika naftnih derivata na prostoru BiH (druga u BiH), a trenutno je najveći uvoznik svih vrsta bitumena za cestogradnju.

I pored velike ozbiljnosti u vođenju poslova, menadžmenti firmi HIFA i HIFA OIL su donijeli odluku da poslovanje po evropskim standardima iziskuje i rad po ISO standardu. Nakon 10 - mjesečne edukacije slijedila je prava provjera znanja i poslovnosti u maju 2004. godine. od strane renomirane certifikatorske kuće TUV BAYERN SAVA. Konačan dokaz i potvrda o uspostavljenom sistemu upravljanja kvalitetom prema standardu ISO 9001 - 2000 došao je u junu 2004.godine čime su ove dvije firme postale prve u BiH po uvozu i prodaji naftnih derivata.

Uspješno je završena i recertifikacija sistema upravljanja kvalitetom prema standardu ISO 9001 - 2008 u decembru 2009.godine.

Treba istaći i to da firma HIFA d.o.o. upošljava 55 radnika koji su kvalitetno obučeni za rad u naftnoj branši, dok menadžmente firmi čine mladi, stručni i visokoobrazovani ljudi spremni na izazove i ispunjavanje zadataka radi ostvarivanja zacrtanih ciljeva.